

Na osnovu člana 13.Pravilnika o prijemu djece u vrtiće JU "Djeca Sarajeva" Sarajevo, Plana upisa djece u školskoj 2016/2017 godini br:01-01-89/16 od 25.05.2016.godine i Odluke Upravnog odbora o raspisivanju Javnog poziva br: 01-01-113/16 od 28.07.2016.godine, Javna ustanova "Djeca Sarajeva" Sarajevo raspisuje

**JAVNI POZIV  
ZA VANREDAN PRIJEM DJECE U CJELOVITI RAZVOJNI PROGRAM U  
ŠKOLSKOJ 2016/2017 GODINI**

**I**

Obavještavaju se roditelji/staratelji da će se vanredni prijem djece ranog i predškolskog uzrasta u vrtiće JU "Djeca Sarajeva" Sarajevo za školsku **2016/2017 godinu** vršiti u periodu **01.08.-15.08.2016 godine**. Polaznici vrtića mogu biti djeca uzrasne dobi od šest mjeseci do polaska u školu.

**II**

Prijava za pohađanje Cjelovitog razvojnog programa predškolskog odgoja i obrazovanja može se preuzeti na lokacijama predviđenim za prijavljivanje djece, preciziranih tačkom VII ovog javnog poziva ili na web stranici JU "Djeca Sarajeva" Sarajevo [www.djecasarajeva.edu.ba](http://www.djecasarajeva.edu.ba).

**III**

Prijem djece radi realizacije Cjelovitog razvojnog programa vršit će se za vrtiće Javne ustanove „Djeca Sarajeva“ Sarajevo kako slijedi:

**VRTIĆI JU "DJECA SARAJEVA", KONTAKT INFORMACIJE I ZASTUPLJENOST PREMA UZRASTU I VAŽEĆIM PEDAGOŠKIM  
STANDARDIMA I NORMATIVIMA KS;**

OJ STARI GRAD			
1.	„Biseri“	Očaktanum 60 536- 220	-odgojna grupa u 6.godini života (8 raspoloživih, slobodnih mjesta u odgojnoj grupi);
2.	„Pčelica“	Jekovac 1 233- 430	(Mješovita grupa uzrasta od 3 god. do polaska u školu 9 raspoloživih slobodnih mjesta u odgojnoj grupi); -odgojna grupa u 6.godini života (7 raspoloživih slobodnih mjesta u odgojnoj grupi);
OJ CENTAR			
3.	„Iskrica“	Patriotske lige 16 220-463	-Odgojna grupa: (2-3 godine);- 5 raspoloživih slobodnih mjesta u odgojnoj grupi;
4.	„Višnjik“	Bolnička 38 203-255	- Mješovita grupa djece uzrasta od 3 god. do polaska u školu (30 raspoloživih slobodnih mjesta u odgojnoj grupi);
5.	„Lane“	Hermana Koste 5 202-981	-u 6. godini života (10 raspoloživih slobodnih mjesta u odgojnoj grupi);
6.	„Ilijaš“	19. Juli- Ilijaš 402-217	-Mješovita grupa (1-3 godine) – 4 raspoloživa slobodna mjesta u odgojnoj grupi;
OJ NOVO SARAJEVO			
7.	„Kekec“	F. Hauptmana 36. 526-861	-odgojna grupa u 6.godini života (8 raspoloživih slobodnih mjesta u odgojnoj grupi);
8.	„Rosica“	Paromlinska 7. 525-028	-Mješovita (1-3 godine) – 5 raspoloživih slobodnih mjesta u odgojnoj grupi);
9.	„Košuta“	Aleja Lipa 48. 617-322	-odgojna grupa u 6.godini života (8 raspoloživih slobodnih mjesta u odgojnoj grupi);
10.	„Aprilski cvijetovi“	Envera Šehovića 1. 650-483	-odgojna grupa u 6.godini života (8 raspoloživih slobodnih mjesta u odgojnoj grupi);
11.	„Zvončić“	Zmaja od Bosne 38. 663-789	-odgojna grupa u 4.godini života (11 raspoloživih slobodnih mjesta u odgojnoj grupi);
OJ NOVI GRAD			
12.	„Radost“	Gaj 1 698-338	(Mješovita grupa s jasličkim i predškolskim uzrastom) - 18 raspoloživih slobodnih mjesta u odgojnoj grupi);

Rad vrtića se realizira u prvoj smjeni (06.30-17.00 sati).

Korisnik usluga može zaključiti ugovor za:

- cjelodnevni boravak
- poludnevni boravak
- za dodatne usluge (specijalizirani programi: jezici, ples i dr.)

#### IV

##### **Prioritet kod prijema imaju djeca:**

1. bez roditelja
2. samohranog roditelja
3. djeca sa razvojnim i drugim poteškoćama
4. roditelja kojima je priznat status neke od kategorija po osnovu dopunskih prava boraca i članova njihovih porodica u skladu sa Zakonom o pravima boraca i članova njihovih porodica, civilnih žrtava rata neratnih invalida
5. iz porodica težih socijalnih prilika
6. sa oba zaposlena roditelja
7. djeca istih roditelja (braća i sestre) pod uslovom da već jedno dijete boravi u vrtiću za koji se vrši prijava u prethodnoj školskoj godini i da je propisno najavljen produžetak boravka u narednoj školskoj godini
8. djeca koja su se nalazila na listama čekanja tokom prethodne školske godine, ovisno o dužini trajanja perioda na listi čekanja
9. za koje ranije nije vršen ispis
10. djeca podnosioca prijava za upis sa kojima ranije nije vršen raskid ugovora radi nepoštivanja ugovorenih obaveza od strane korisnika usluga i djeca podnosioca prijave za upis koji nisu utuživani radi neizmirenja obaveza prema davaocu usluga
11. djeca koja imaju status trećeg i svakog narednog djeteta u porodici
12. djeca u godini pred polazak u školu;

#### V

Radi ostvarivanja prava na prvenstvo kod upisa u smislu tačke IV javnog poziva, podnosilac prijave je obavezan dostaviti dokaze kako slijedi:

- dokaz o smrti oba roditelja (za poziciju pod rb. 1)
- dokaz o smrti, dokaz o proglašenju roditelja nestalim, dokaz o oduzimanju prava na roditeljsku skrb sudskim putem (za poziciju pod rb.2)
- relevantna medicinska dokumentacija (za poziciju pod rb. 3);
- dokaz o statusu roditelja u smislu Zakonom o pravima boraca i članova njihovih porodica, status civilne žrtve rata koju izdaje nadležna općinska služba, odnosno rješenje Centra za socijalni rad za neratne invalide pozicija (za poziciju pod rb.4)
- uvjerenje da se lice nalazi u stanju socijalne potrebe koje izdaje Centar za socijalni rad (za poziciju pod rb.5);
- potvrde poslodavca o zaposlenosti za oba roditelja (za poziciju pod rb.6)
- najava nastavka korištenja usluga istog vrtića za drugo dijete koje je već boravilo u vrtiću u prethodnoj školskoj godini i za koje je propisno najavljen nastavak korištenja usluge u narednoj školskoj godini radi ostvarivanja prednosti za drugo dijete (za poziciju pod rb. 7);
- kućna lista za djecu koja imaju status trećeg i svakog narednog djeteta u porodici

U slučaju nedostavljanja traženih dokaza podnosilac prijave ne ostvaruje pravo prvenstva po datom kriteriju.

#### VI

Prilikom zaključivanja ugovora o regulisanju međusobnih prava i obaveza roditelj/staratelj je **dužan dostaviti ljekarsko uvjerenje** kojim se potvrđuje da je dijete zdravo i da može pohađati vrtić ne starije od 30 (trideset) dana u odnosu na prvi dan boravka djeteta u vrtiću, a u slučaju da dijete ne otpočne pohađati vrtić u roku važenja ljekarskog uvjerenja, roditelj je dužan isto obnoviti.

Prilikom zaključenja ugovora, roditelj/staratelj je dužan dati na uvid identifikacioni dokument (lična karta, pasoš ili vozačka dozvola)

O periodu zaključenja ugovora roditelj/staratelj djeteta koje bude primljeno će biti obavješten putem oglasnih ploča sjedišta administrativnih jedinica, te je dužan pristupiti zaključenju ugovora o korištenju usluga ustanove u ostavljenom roku. Protekom utvrđenog roka za zaključenje ugovora nastalog krivicom roditelja/staratelja, isti gubi pravo na zaključenje ugovora;

## VII

Prijavu iz tačke II Javnog poziva podnosi roditelj /staratelj djeteta u sjedištima organizacionih jedinica JU „Djeca Sarajeva“ Sarajeva radnim danom u periodu od **09.00-17.00 sati**, kako slijedi:

- OJ Stari Grad u vrtiću „Skenderija“ ul Skenderija 20 Sarajevo
- OJ Centar u vrtiću “Iskrica”, ul.Patriotske lige 16., Sarajevo
- OJ Novo Sarajevo u vrtiću “Kekec” ul.Ferde Hauptmana 36., Sarajevo
- OJ Novi Grad u vrtiću “Dječiji Grad” (za vrtić „Radost“- Hrasnica, ul. Olimpijska bb, Sarajevo
- za vrtić „Ilijaš“ u vrtiću „Ilijaš“ u ul.19.Juli, Ilijaš.

## VIII

Lista prijedloga za prijem koju sačinjava Komisija za prijem biti će istaknuta na oglasnim pločama sjedišta organizacionih jedinica i zvaničnoj web stranici ustanove 19.08.2016.godine.

Roditelj/staratelj koji je nezadovoljan utvrđenim prijedlogom ima pravo da u roku od 8 (osam) dana od dana objavljivanja liste uloži žalbu Upravnom odboru ustanove.

## IX

Podnošenje prijava za prijem djece u Cjeloviti razvojni program se ne može vršiti putem pošte.

V.D. DIREKTORA

Jasmina Čongo